

UMBRAS

In lughes impiuradas,
 chenza paghe,
 traessan
 umbras ventureras,
 in sas iscazas de sole
 chi arrustit sas sidas
 in sa terra arrumbada
 a zigantes de rocca;
 inue si perdet
 s'ispasimu,
 'e su seberu
 de sas dies caladas
 in sa terra granida.

In cue sighit,
 su sidis
 a cunsumire sas ascias
 bias,
 de su semene
 abbratzadu,
 suspirende in sas nues
 su roccu 'e sa vida.

E cun s'umbra
 a costazu
 pessighin unu zuffu
 'e ispera
 belidas de anzone;
 semenzas
 de custa terra
 'e istinchiddas,
 de fozas arridas,
 chi su 'entu
 isfaghet
 in fumu 'e cristallu,
 chilchende
 lughe isgiannada,
 pro umbras
 chenza paghe.

OMBRE

*Nei bagliori polverosi, / senza pace, / vanno / ombre vaganti, / nelle scaglie
 di sole / che arrostisce i rami / nella terra poggiata / su giganti di roccia; / dove
 si perde / il delirio, / nella scelta / dei giorni spenti / nelle crepe di terra.*

*Li continua / la sete / nel consumare le schegge / vive / del seme / abbracciato,
 / sospirando dalle nuvole / il bastone della vita.*

*E con l'ombra / vicino / inseguono un ciuffo / di speranza / belati di agnelli;
 / semi / di questa terra / di scintille, / di foglie arse / che il vento / dissolve
 / nel fumo di cristallo / cercando / una luce rischiarata / per ombre / senza
 pace.*